

Txheej Txheem cov nqi Kho

Hmoob cov nqi ntawm kev sib kho txhais raws li nram no. Qhov kev siv lag no los ntawm peb hmoob ib txwm siv los, yog li no peb Hmoob 18 Xeeb thiaj muab coj los siv rau hauv txoj cai no thiab thiaj muab teev ib lag ntaus nqi \$100.00 li hauv qab no:

1 lag	=	\$100.00
3 lag	=	\$360.00
5 lag	=	\$500.00
7 lag	=	\$720.00
12 lag	=	\$1,200.00
24 lag	=	\$2,400.00
36 lag	=	\$3,600.00
Kho	=	Tsis txhais hais tias nplua

TSOOJ I: Plaub Tua Neeg Hauv Tsev

A. Yog tus txiv tua tus poj niam

Tus txiv tua los yog cov kwv tij yuav tsum tau tshwm ib rooj cawv thiab \$1,200.00 los thov thiab kho tus poj niam uas raug tua tuag no cov neej tsa thiab tus txiv los yog cov kwv tij yuav tsum ua lub ntees rau tus niam kom raws li hmoob kab lis kev cai.

Qhov nyiaj kho neej kho tsav hais los saum no yog kho txhua yam txhua tsav ntawm hmoob kab lis kev cai lawm, thaum kho tag lawm cov neej tsa yuav tsum zoo siab hlo tuaj mus ua qab tu kom dab qhuas ntxhee, yuav tsis pub ua plaub ua ntug ntxiv lawm.

B. Yog tus poj niam tua tus txiv

Tus poj niam thiab cov neej tsa yuav tsum tshwm ib rooj cawv thiab \$1,200.00 los thov thiab kho tus txiv uas raug tua tuag no cov kwv tij, tus niam thiab cov neej tsa yuav tsum koom tes pab lub ntees rau tus txiv kom raws li hmoob kab lis kev cai. Tom qab ob tog sib kho sib pab tag lawm, txwv tsis pub ob tog neeg muab cov teeb meem dhau los lawm ntawd los ua plaub ua ntug cuam tshuam txog kev tshoob kev kos los yog lwm yam lawm.

TSHOOJ II: Tua Tus Kheej

Txhais tias ib tus neeg nws tau txov nws tus kheej txoj sia uas tsis yog lwm leej lwm tus tua. Nqe teeb meem no hais duav tag nrho rau cov txij nkawm thiab nkauj nraug huv tib si.

A. Yog tias ib tug niam tsev, tus poj niam los tus ntxhais hmoob tau txov nws tus kheej txoj sia, tsis tau txhais tias tus txiv neej, tus txiv tsev los yog tus hluas nraug muaj los tsis muaj kev txhaum saum tsoom fwv txoj cai, yog hais tias qhov teeb meem tus poj niam no tuag yeej muaj pov thawj thiab paub tseeb lawm hais tias yog tus txiv neej tau tsim txom tus poj niam yam muaj pov thawj pom tseeb tias tus txiv yeej tsim